



Broj: 07-14-1451/19  
Vogošća, 26.08.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 26.08.2019. godine donio je

**ODLUKU  
O IZBORU NAJPOVOLJNIJEG PONUĐAČA ZA IZVOĐENJE RADOVA NA REHABILITACIJI DIJELA  
SAOBRAĆAJNICE U ULICI SLATINSKI PUT U DUŽINI OD 150 m, NA PODRUČJU OPĆINE  
VOGOŠĆA**

**Član 1.**

Ponuda ponuđača "Ame" d.o.o. Breza, ulica Branilaca grada bb Breza, odabrana je za izvođenje radova na rehabilitaciji dijela saobraćajnice u ulici Slatinski put u dužini od 150 m, na području općine Vogošća, kao jedina formalno-pravno prihvatljiva ponuda, sa ponuđenom ukupnom cijenom nabavke u iznosu od 40.749,45 KM bez uračunatog PDV-a, odnosno 47.676,86 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 24.07.2019. godine donio Odluku o pokretanju Otvorenog postupka nabavke radova na rehabilitaciji dijela saobraćajnice u ulici Slatinski put u dužini od 150 m, na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 26.07.2019. godine pod brojem: 1353-1-3-162-3-119/19.

Sažetak Obavještenja o nabavci objavljen je u "Službenom glasniku BiH" broj: 52/19 od 02.08.2019. godine.

Tendersku dokumentaciju sa Portala javnih nabavki BiH je preuzelo 8 (osam) ponuđača.

Krajnji rok za dostavu ponuda bio je 23.08.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 23.08.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-14-1451/19 iz jula 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Ame" d.o.o. Breza	40.749,45	/	/	47.676,86
2	"Ado-trans" d.o.o. Visoko i "Termo-beton" d.o.o Breza	40.519,50	/	/	47.407,82

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda grupe ponuđača "Ado-trans" d.o.o. Visoko i "Termo-beton" d.o.o. Breza ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 2 (dva) lica, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovaoci građevinskim mašinama).

Tačkom 7.4.2. pod b) TD je pored ostalih zahtjeva traženo da se kao dokazi za 2 (dva) lica, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovaoci građevinskim mašinama) dostave Diplome/Svjedočanstva o završenoj traženoj stručnoj spremi kao i dokazi o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Grupa ponuđača "Ado-trans" d.o.o. Visoko i "Termo-beton" d.o.o. Breza je u svojoj Ponudi (strana 62-63. Ponude) kao dokaz za traženo dostavila Certifikate broj: 009-04/16 i 15-05/16 iz aprila 2016. godine izdate od Centra za obrazovanje Travnik, kojim se dokazuje da su Operta Šaban i Beganović Salem uspješno završili stručno usavršavanje za rukovatelja bagerom i rukovatelja utovarivačem i zgrtačem.

Komisija za javne nabavke smatra da je grupa ponuđača "Ado-trans" d.o.o. Visoko i "Termo-beton" d.o.o. Breza dostavljanjem prethodno pomenutih Certifikata propustila da dostavi dokaze propisane tačkom 7.4.2. pod b) TD, a kojom su jasno zahtjevanoj Diplome/Svjedočanstva o završenoj traženoj stručnoj spremi kao i dokazi o radnom angažmanu.

- Tačkom 7.4.2. pod c) TD je propisano da su ponuđači u svrhu ispunjavanja zahtjeva iz tačke 7.4.1 pod c) TD dužni dostaviti između ostalog i Izjavu na obrascu ponuđača da imaju u posjedu odgovarajuće građevinske mašine (mehanizaciju) i opremu potrebnu za izvođenje predmetnih radova sa priloženim ovjerenim popisom sredstava rada i opreme na obrascu ponuđača, ili inventurnom listom ili ugovor o najmu shodno tački 7.4.1 c) TD.

Grupa ponuđača "Ado-trans" d.o.o. Visoko i "Termo-beton" d.o.o. Breza je u svojoj Ponudi (strana 69-74. Ponude) dostavila popis sredstava rada i opreme na svom obrascu (inventurne liste), međutim isti su propustili da dostave drugi zahtjevanoj dokaz, tj. propustili su da dostave traženu Izjavu na obrascu ponuđača da imaju u posjedu odgovarajuće građevinske mašine (mehanizaciju) i opremu potrebne za izvođenje predmetnih radova.

- Tačkom 7.4.1. pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova, i između ostalog da ima na raspolaganju 2 (dva) teretna vozila-kamioni kiper.

Tačkom 7.4.2. pod c) TD je između ostalog traženo da se kao dokazi za tražena teretna vozila kamione-kipere iz tačke 7.4.1. pod c) stavka 1. dostave važeće saobraćajne dozvole/potvrde o registraciji.

Grupa ponuđača "Ado-trans" d.o.o. Visoko i "Termo-beton" d.o.o. Breza je u svojoj Ponudi (strana 75. Ponude) dostavila Saobraćajnu dozvolu/Potvrdu o registraciji za kamion "Mercedes-Benz" Actros 3243 K-samoistovarivač/kiper.

Komisija za javne nabavke cijeni da dostavljena Saobraćajna dozvola/Potvrda o registraciji nije u skladu sa traženim dokazima iz tačke 7.4.2. pod c) TD, jer je uvidom u istu utvrđeno da je registracija za dostavljeni kamion istekla dana 20.03.2019. godine te da ista u međuvremenu nije produžena od firme "Ado-trans" d.o.o. Visoko.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Tačkom 8.1.4. TD, a u skladu sa članom 8. stav 6. i 7. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) propisano je da sve strane ponude moraju biti numerisane na način da je vidljiv redni broj stranice ili lista.

Grupa ponuđača "Ado-trans" d.o.o. Visoko i "Termo-beton" d.o.o. Breza je u svojoj Ponudi ispravno numerisala stranice u skladu sa članom 8. stav 6. Uputstva za pripremu modela tenderske dokumentacije i ponuda. Međutim, na više mjesta numeracija nije jasno vidljiva jer je preko iste stavljan otisak pečata i paraf ovlaštene osobe grupe ponuđača, iako isto nije zahtjevano TD, te je spomenuta činjenica predstavljala znatnu poteškoću Komisiji za javne nabavke prilikom same evaluacije ponude.

Komisija za javne nabavke ne smatra da prethodno navedena činjenica utiče na formalno-pravnu ispravnost ponude te da isto nije razlog za eventualno odbijanje predmetne ponude.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Ame" d.o.o Breza ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Ame" d.o.o Breza, te je izvršena računaska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ame" d.o.o Breza, za izvođenje radova na rehabilitaciji dijela saobraćajnice u ulici Slatinski put u dužini od 150 m, na području općine Vogošća, kao jedine formalno-pravno ispravne ponude, sa ponuđenom ukupnom cijenom nabavke u iznosu od 40.749,45 KM bez uračunatog PDV-a, odnosno 47.676,86 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "Ame" d.o.o. Breza
2. "Ado-trans" d.o.o. Visoko
3. Nadležnoj Službi
4. U dosije
5. a/a

032/783-936

adotrans@gmail.com



OPĆINSKI NAČELNIK

Edin Smajić